



COMUNI DI SANT'ANTONI DI GADDURA

Prvincia di Sassari

Area Ténnica – Polizzia Municipali

Ufficiu Polizzia Municipali

ULDINÀNZIA N°1 DI LA DÍ 12/01/2023

203

Uggjettu: ISTITUZIONI DI LU DIVIETU PRUISÓRIU DI PASSAGGJU E ARRESSA ILLA PIAZZA
FAUSTO PAPI DI LU COMUNI DI SANT'ANTONI DI GADDURA DA L'8:00 A LI 24:00

LU RISPUNSÀBILI

Appudarata la cumunicazioni prot. n. 202 di la dì 12.01.2023 da palti di lu Comitato di la Festa di lu Patronu Classi 1990, chi cumunichiggja chi la dì **17 di 'jinnaggiu 2023** venarà ulganizzata la manifestazioni chjamata "FESTA PATRONALE SANT'ANTONIO ABATE" illu Comuni di Sant'Antoni di Gaddura;

Presu attu ch ill'istànzia si dummanda la disponibilitai di la piazza Fausto Papi pa' scopi ulganizzativi e chi, dunca, si rendi nizissàriu pruibì la cilculazioni stradali e istituì di li divieti d'arressa cun rimuzioni, da l'08:00 e finamenti a cumprì la manifestazioni, pal facilità lu spustamentu in siguresa di li paltizipanti;

Vistu lu dissignu di la manifestazioni;

Richjamatu l'art. 38, comma 3, di lu "Codice della Strada" chi régula la pustura di li segnali, incruiti chissi pruisóri con prevalenza innant'a chissi fissi, puru si in diffulmitai cu' l'alti réguli di la cilculazioni;

Visti l'artt. 5, 7 comma 1 littara a), e comma 14, 159 di lu D.L.vo 30 abbrili 1992 n°285 - Codice della Strada;

Vistu lu D.P.R. di lu 28.12.1992, n. 495 (Regulamentu di esecuzioni e attuazioni di lu nou "Codice della Strada");

Vistu lu TUEL D.Lgs. 18.08.2000, n. 267;

ULDINIGGJA

Pa' li muttii isposti in primmissa e ripultata chinci par intréu:

- Illa ciurrata di **malti, 17 di gjinnagju 2023, da l'08:00 a li 24:00** e, in cassisia manéra, finamenti a cumprì la manifestazioni, l'istituzioni di lu divietu di passaggu e d'arressa pal tutti li mezi illa **piazza Fausto Papi di chistu centru abiatu**.

In casu di rinvii di la manifestazioni pal tempu malu, li prisenti dispusizioni vàlini puru pa' la data di candu li cundizioni di lu tempu arani a palmitti di fa l' event, prizzidutu da un pruntu assintamentu di addighenti signali stradali innant'a lu presuppostu di lu prisenti pruidimentu. Illi casi chi lu prisenti pruidimentu privìchia lu divietu d'arressa, è ancóra, disposta la rimozioni di lu mezu da l'oparadóri di li dippositarii autorizzati, aèndi la sedi d'eselciziu e locali di rizzettu illu territóriu di lu Comuni di Tèmpiu.

La cilculazioni potarà turrà a funziunamentu normali cun antéccipu rispettu a l'orari supra ingjittati, in casu chi li manifestazioni còmprini primma di l'óra privista e candu li cundizioni di lu tràfficu pòssini assigurà di caminà in tutta siguresa.

Li divieti, l'ubbrichi e li limitazioni sarani palisati pal mezu di signali in régula e assintati da lu rispunsabili di l'unitai oparativa di cumpitenzia, pal mezu di lu personali ingarrigatu;

L'agenti tutti di la folza pùbblica sò ingarrigati di fà rispittà la prisenti uldinànzia;

Si disponi la pubblicazioni di lu prisenti pruidimentu a l'albu pritóriu comunali online pa' lu tempu fissatu da la legggi, par aènni ampra diffusioni.

S'avveltini l'interissati chi contr'a la prisenti uldinànzia vi pò esse ricussu, prisintatu a lu Tribunali Amministrativu Regionali indrentu a sessanta dì da la data di pubblicazioni di lu pruidimentu cunfolma a l'art. 92 di lu Codice del Processo Amministrativu, D.Lgs. 02 aglióla 2010 n°104, a lu Presidenti di la Repùbblica, indrentu a 120 dì, illi módi privisti da l'art. 8 e sigg. di lu D.P.R.n° 1199/1971.

Sant'Antoni di Gaddura, lì 12.01.2023

**Lu Respunsabbili di lu Silvìziu
Arch. Pian. Fabio Caronna**